

Na osnovu člana 84. i 85. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj: 52/19 i 05/20), člana 48. Pravila JU Narodno pozorište Sarajevo, broj: (05-2637/16 i 05-3759/18), člana 123. i 124. Pravilnika o radu JU Narodno pozorište Sarajevo broj: 05-2014/20 od 10.06.2020. godine, direktor JU Narodno pozorište Sarajevo (u daljem tekstu: Pozorište), donosi

ODLUKU

o načinu i postupku ostvarivanja prava na naknadu u slučaju teške bolesti ili invalidnosti radnika ili člana njegove uže porodice i smrti radnika ili smrti člana uže porodice radnika

Član 1.

(Predmet Odluke)

Ovom Odlukom uređuje se način i postupak ostvarivanja prava radnika u Pozorištu na naknadu u slučaju teške bolesti ili invalidnosti radnika ili člana njegove uže porodice, smrti radnika ili smrti člana uže porodice u skladu sa članom 84. i 85. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj: 52/19 i 05/20) , članova 123. i 124. Pravilnika o radu JU Narodno pozorište Sarajevo broj 05-2014/20 od 10.06.2020. godine.

Član 2.

(Pojam člana uže porodice)

Pod članom uže porodice u smislu člana 86. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj: 52/19 i 05/20) i člana 125. Pravilnika o radu broj 05-2014/20 od 10.06.2020 godine, podrazumijevaju se sljedeći članovi porodice radnika:

- a) suprug(a) u braku ih van braka, ako žive u zajedničkom domaćinstvu;
- b) djeca rođena u braku, van braka, zakonito usvojena ih pastorčad do 18, odnosno do 26 godina starosti, ako se nalaze na redovnom školovanju i nisu u radnom odnosu, a djeca nesposobna za rad, bez obzira na starosnu dob, ako žive u zajedničkom domaćinstvu;
- c) roditelji (otac, majka, očuh, maćeha i posvojitelj), bez obzira da li žive u zajedničkom domaćinstvu sa radnikom;
- d) braća i sestre bez roditelja do 18, odnosno 26 godina starosti, ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob pod uvjetom da sa njima živi u zajedničkom domaćinstvu;
- e) unučad pod uvjetom iz tačke b) ovog člana, ako nemaju roditelje i žive u zajedničkom domaćinstvu sa korisnikom naknade.

Član 3.

(Pojam teške bolesti i invalidnosti)

(1) Teškom bolešću, u smislu člana 85. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj: 52/19 i 05/20) i člana 124. Pravilnika o radu broj 05-2014/20 od 10.06.2020 godine smatraju se bolesti navedene u Uredbi o naknadama koje nemaju karakter plaća („Službene novine Kantona Sarajevo“, broj:17/19), a to su: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sustava, paraliza kao i druge bolesti navedene u Naredbi o listi teških bolesti, odnosno teških tjelesnih

povreda na osnovu kojih se ostvaruju naknade za slučaj teške invalidnosti ili teške bolesti („Službene novine Federacije BiH“, broj:30/05).

Pravo na jednokratnu novčanu pomoć po osnovu invalidnosti ostvaruje se za utvrđeni stepen invalidnosti od najmanje 60%.

(2) Jednokratna novčana pomoć može se dodjeliti i radniku koji je operisan od bolesti koje nisu obuhvaćene odredbom stava (1) ovog člana, ukoliko je je takva operacija izvršena iz zdravstvenih razloga i po preporuci ljekara neophodna radi sprečavanja teške invalidnosti ili teške bolesti.

Član 4.

(Način dokazivanja teške bolesti i invalidnosti, smrti radnika ili smrti člana uže porodice)

(1) Teška bolest radnika ili člana njegove uže porodice dokazuje se na osnovu dijagnoze iz otpusnog pisma ili druge dokumentacije izdate od strane stručnog konzilija ovlaštene zdravstvene ustanove.

(2) Invalidnost radnika ili člana njegove uže porodice dokazuje se na osnovu dokumentacije, kojom je utvrđen stepen invalidnosti zaposlenog ili člana njegove uže porodice, izdate od strane nadležne institucije.

(3) Smrt radnika i smrt člana uže porodice dokazuje se na osnovu dokumentacije izdate od strane nadležne institucije izvodom iz matične knjige umrlih.

Član 5.

(Visina naknade)

(1) U slučaju teške bolesti ili invalidnosti radnika ili člana njegove uže porodice i smrti radnika i člana njegove uže porodice, radniku pripada pravo na jednokratnu novčanu pomoć

(2) U slučaju smrti radnika ili smrti člana njegove uže porodice isplaćuju se troškovi sahrane u visini stvarnih troškova, a najviše četiri prosječne mjesečne plaće isplaćene u Federaciji Bosne i Hercegovine za prethodna tri mjeseca prije donošenja rješenja o isplati naknade.

(2) U slučaju nastanka teške bolesti ili invalidnosti radnika ili člana njegove uže porodice radniku pripada naknada u visini tri njegove neto plaće isplaćene u prethodna tri mjeseca ili tri prosječne mjesečne plaće isplaćene u Federaciji Bosne i Hercegovine, ako je to za njega povoljnije.

Član 6.

(Uslovi za ostvarivanje prava na naknadu)

Za ostvarivanje prava na naknadu na osnovu teške bolesti ili invalidnosti radnika ili člana njegove uže porodice i smrti radnika ili smrti člana uže porodice moraju biti ispunjeni sljedeći uslovi:

a) da je teška bolest ili invalidnost radnika ili člana njegove uže porodice i smrt radnika ili smrt člana uže porodice nastala u trenutku kada je radnik bio u radno-pravnom statusu u Pozorištu,

b) da je Zahtjev za naknadu u slučaju teške bolesti ili invalidnosti radnika ili člana njegove uže porodice i smrti radnika ili člana uže porodice dostavljen Pozorištu putem protokola u roku ne dužem od 3 mjeseci od trenutka dokazivanja teške bolesti ili invalidnosti radnika ili člana njegove uže porodice i smrti radnika ili smrti člana uže porodice,

c) dokumentacija, kojom se dokazuje teška bolest ili invalidnost radnika ili člana njegove uže porodice i smrt radnika ili smrt člana uže porodice radnika, ne smije biti starija od 3 mjeseci,

d) da radnik po istom osnovu nije do sada ostvario pravo na naknadu u Pozorištu,

e) da ni jedan član uže porodice koji je zaposlen u Pozorištu nije ostvario pravo na naknadu po istom osnovu,

f) da je radnik priložio kućnu listu kojom se dokazuje da član uže porodice živi ili izjavu da je živio sa radnikom u zajedničkom domaćinstvu, odnosno izjavu da on snosi dodatne troškove po osnovu teške bolesti, invalidnosti i smrti člana uže porodice.

Član 7.

(Postupak ostvarivanja prava na naknadu)

(1) Da bi radnik ostvario pravo na naknadu u slučaju teške bolesti ili invalidnosti radnika ili člana njegove uže porodice i smrti radnika ili smrti člana uže porodice, dužan je podnijeti zahtjev za

naknadu. U slučaju kada je radnik zbog više sile, spriječen podnijeti zahtjev za naknadu u slučaju teške bolesti ili invalidnosti radnika, to u njegovo ime može učiniti član uže porodice.

(2) Da bi radnik ostvario pravo na naknadu, na osnovu teške bolesti ili invalidnosti člana uže porodice ili smrti člana uže porodice, dužan je dostaviti pismenu izjavu, u kojoj će navesti ima li ili nema članova uže porodice koji rade u Pozorištu.

(3) U slučaju da je više članova uže porodice zaposleno u Pozorištu samo jedan član uže porodice može ostvariti pravo na naknadu na osnovu teške bolesti ili invalidnosti člana uže porodice ili smrti člana uže porodice.

(4) Radnik je obavezan priložiti dokumentaciju kojom se dokazuje teška povreda na radu radnika, teška bolest ili invalidnost radnika ili člana njegove uže porodice i smrt člana uže porodice u skladu sa članom 4. ove Odluke.

Član 8.

(Ograničenje prava na naknadu)

(1) Pravo na jednokratnu naknadu u slučaju teške bolesti ili invalidnosti radnik može ostvariti jedanput za vrijeme provedeno na radu u Pozorištu.

(2) Pravo na jednokratnu naknadu u slučaju teške bolesti ili invalidnosti člana uže porodice radnik može ostvariti jedanput po jednom članu uže porodice.

Član 9.

(Obračun i isplata naknada)

(1) Obračun i isplata naknade za slučaj teške bolesti ili invalidnosti radnika ili člana njegove uže porodice vrši se uz mjesečni obračun i isplatu plata i naknada radnicima u Pozorištu.

(2) Obračun i isplata naknade za slučaj smrti radnika ili člana uže porodice radnika vrši se hitno, a u skladu sa raspoloživim sredstvima na poziciji za navedene namjene.

Član 10.

(Provedenje Odluke)

Za provođenje ove Odluke zadužuje se Ekonomsko-pravna služba.

Član 11.

(Stupanje na snagu)

Odluka stupa na snagu danom donošenja.

Broj:05-2631/21

Datum:15.09.2021. god

